



Broj: JN1-03-16-7-11-7/26  
Sarajevo, 15.05.2026. godine

Na osnovu člana 64. stav (1) tačka b) i člana 70. st. (1), (3) i (6) Zakona o javnim nabavkama ("Službeni glasnik BiH" broj 39/14, 59/22 i 50/24), Poglavlja III. stav 3. Odluke o organizaciji Sekretarijata Parlamentarne skupštine Bosne i Hercegovine ("Službeni glasnik BiH", br. 92/05 i 63/08) i člana 25. stav (1) Pravilnika o javnim nabavkama Parlamentarne skupštine Bosne i Hercegovine, broj: 03-02-4-632-1/24 od 12.02.2025.godine., na preporuku Komisije za nabavke iz Zapisnika o pregledu i ocjeni ponuda, broj: Broj: JN1-03-16-7-11-5/26 od 08.05.2026. godine u postupku nabavke usluga interneta za potrebe Parlamentarne skupštine Bosne i Hercegovine, Kolegij Sekretarijata Parlamentarne skupštine Bosne i Hercegovine, donosi:

## ODLUKU O IZBORU NAJPOVOLJNIJEG PONUDAČA

### I

Prihvata se preporuka Komisije za nabavke iz Zapisnika o pregledu i ocjeni ponuda, broj: JN1-03-16-7-11-5/26 od 08.05.2026. godine i Ugovor o pružanju usluga stalnog pristupa internetu za potrebe Parlamentarne skupštine BiH za period dvije godine, dodjeljuje se prvorangiranom ponuđaču **LOGOSOFT d.o.o. Sarajevo**, ul. Grbavička broj 4, 71 000 Sarajevo, IDB 4200236190009, čija mjesečna cijena usluga interneta iznosi 1.666,67 KM sa PDV-om, odnosno 1.424,50 KM bez PDV-a, odnosno ukupna cijena ponude za predmetne usluge za period 24 mjeseca iznosi 34.188,00 KM bez PDV-a, odnosno 39.999,96 KM s uračunatim PDV-om.

### II

Izabrani ponuđač je u okviru ponude dostavio uredne i potpune dokaze o kvalificiranosti po članu 45. stav (1) tačka d) Zakona o javnim nabavkama, prema tački 3.8. Tenderske dokumentacije za konkurentski zahtjev za dostavu ponuda za nabavku usluga interneta za potrebe Parlamentarne skupštine Bosne i Hercegovine, broj: JN1-03-16-7-11-1/26 od 20.04.2026. godine te se oslobađa te obaveze po donošenju ove odluke.

### III

Prijedlog Ugovora dostavit će se na potpis izabranom ponuđaču po isteku roka od pet dana, računajući od dana kada je obavješten o izboru najpovoljnijeg ponuđača pod uslovom da žalba ne bude uložena, a nakon pribavljenog mišljenja Pravobranilaštva Bosne i Hercegovine za zaključenje ugovora.

### IV

Ova Odluka objavit će se na web stranici ugovornog organa [www.parlament.ba](http://www.parlament.ba), istovremeno sa upućivanjem iste ponuđačima koji su učestvovali u postupku javne nabavke, shodno čl. 70. stav (6) i 71. stav (2) Zakona o javnim nabavkama.

## Obrazloženje

Postupak javne nabavke pokrenut je Odlukom o pokretanju postupka javne nabavke usluga interneta za potrebe Parlamentarne skupštine Bosne i Hercegovine, broj: JN1-03-16-7-11/26 od 20.04.2026. godine. Ukupna procijenjena vrijednost nabavke za period dvije godine iznosila je 34.188,03 KM bez PDV-a, odnosno 40.000,00 KM sa PDV-om. Komisija za javnu nabavku imenovana je Rješenjem Kolegija Sekretarijata, broj: JN1-03-16-7-2-2/26 od 04.02.2026. godine. Za predmetni postupak javne nabavke formirana je Tenderska dokumentacija, broj: JN1-03-16-7-11-1/26 od 20.04.2026. godine te je objavljena u sistemu „E-nabavke“, kao i Obavještenje o nabavci, broj: 166-7-2-14-3-21/26 od 20.04.2026. godine. Sažetak obavijesti objavljen je u Službenom glasniku BiH, broj: 29/26 od 24.04.2026. godine. Do termina zakazanog za predaju ponuda odnosno do 05.05.2026. godine do 10:00 sati za ovu nabavku pristigle su dvije blagovremene ponude i to:

Redni broj zaprimanja ponuda	Naziv i sjedište ponuđača
1.	LOGOSOFT d.o.o., Grbavička 4, 71 000 Sarajevo
2.	BH TELECOM d.d., Franca Lehara 7, 71 000 Sarajevo

Komisija za nabavke je izvršila javno otvaranje ponuda i njihovu evaluaciju, o čemu je sastavljen Zapisnik o zaprimanju ponuda, broj: JN1-03-16-7-11/26 od 05.05.2026. godine, Zapisnik o otvaranju ponuda, broj: JN1-03-16-7-11-4/26 od 05.05.2026. godine i Zapisnik o pregledu i ocjeni ponuda, broj: JN1-03-16-7-11-5/26 od 08.05.2026. godine, sa preporukom o izboru najpovoljnijeg ponuđača.

Zapisnikom o pregledu i ocjeni ponuda je konstatovano da je ponuda ponuđača LOGOSOFT d.o.o. Sarajevo jedina *prihvatljiva* za ugovorni organ jer ispunjava sve formalno pravne, lične i tehničke/profesionalne uslove, odnosno zahtjeve ugovornog organa za nabavku usluga interneta.

Ponuda ponuđača BH Telecom d.d. Sarajevo, nije prihvatljiva za ugovorni organ obzirom da je Komisija za javne nabavke ugovornog organa utvrdila da ponuđač nije dostavio traženi certifikat ISO 18295-1:2017, niti bilo kakav drugi dokaz kojim bi se potvrdila usklađenost sa zahtjevima ovog standarda. Ugovorni organ posebno naglašava da ISO 18295-1:2017 predstavlja standard koji se odnosi na specifično i jasno definisano područje upravljanja i kvaliteta korisničke podrške te kao takav predstavlja zaseban i samostalan standard.

Imajući u vidu da je predmetni standard izručito propisan kao obavezan uslov tehničke i profesionalne sposobnosti te da ponuđač nije dostavio dokaz o ispunjenosti istog, niti je na bilo koji način učinio vjerovatnim ispunjenost ovog uslova, ugovorni organ je utvrdio da ponuđač BH Telecom d.d. Sarajevo ne ispunjava uslove propisane tenderskom dokumentacijom te je ponuda navedenog ponuđača ocijenjena kao *neprihvatljiva* za ugovorni organ.

Polazeći od činjenice da je samo jedna ponuda prihvatljiva za Ugovorni organ, Komisija za nabavke nije provodila ni fazu vrednovanja i rangiranja prihvatljivih ponuda (po kriteriju „Najniža cijena“ i prema rezultatima E-aukcije), te je konstatovano sljedeće:

Ponudač	Opis predmeta nabavke	Ukupna cijena usluga za period od dvije godine
LOGOSOFT d.o.o. Sarajevo	Nabavka usluga interneta	39.999,96 KM sa PDV-om

Konstatovano je i to da je ponudač Logosoft d.o.o. Sarajevo u okviru svoje ponude dostavio tražene dokaze o ispunjenosti uslova iz člana 45. Zakona o javnim nabavkama, koje je Komisija za nabavke u skladu s Mišljenjem Agencije za javne nabavke, broj: 03-02-1-3058-2/19, od 20.11.2019., ocijenila potpunim i ispravnim, te konstatovala da iste neće ponovo zahtijevati radi zaključenja ugovora.

Shodno navedenom, Komisija za nabavke preporučila je Kolegiju Sekretarijata (Zapisnik, broj: JN1-03-16-7-11-5/26 od 08.05.2026. godine u prilogu), da u postupku nabavke usluga interneta za potrebe Parlamentarne skupštine BiH, donese Odluku o izboru najpovoljnijeg ponuđača za ponuđača Logosoft d.o.o. Sarajevo, čija mjesečna cijena usluga interneta iznosi 1.666,67 KM sa PDV-om, odnosno 1.424,50 KM bez PDV-a, odnosno ukupna cijena ponude za predmetne usluge za period 24 mjeseca iznosi 34.188,00 KM bez PDV-a, odnosno 39.999,96 KM s uračunatim PDV-om.

Kolegij Sekretarijata Parlamentarne skupštine Bosne i Hercegovine prihvatio je preporuku Komisije za nabavke da se ponuđač Logosoft d.o.o. Sarajevo izabere za realizaciju Javne nabavke usluga interneta za potrebe Parlamentarne skupštine Bosne i Hercegovine putem Ugovora na period dvije godine, te odlučio kao u dispozitivu odluke.

#### **Pravna pouka:**

Protiv ove odluke može se izjaviti žalba u pisanoj formi Parlamentarnoj skupštini BiH – Kolegiju Sekretarijata u minimalno tri originalna primjerka u roku od pet dana od dana prijema ove odluke direktno ili preporučenom poštanskom pošiljkom.

#### **Dostavljeno:**

- LOGOSOFT d.o.o. Sarajevo, ul. Grbavička 4, 71 000 Sarajevo
- BH TELECOM d.d. Sarajevo, ul. Franca Lehara 7, 71 000 Sarajevo
- Sektoru za finansije
- a/a

**KOLEGIJ SEKRETARIJATA:**

**Mirza Imamović** \_\_\_\_\_

**Gordana Živković** \_\_\_\_\_

**Dražen Mustapić** \_\_\_\_\_